

ՀԱՄԱՏԵՂ ՀՐԱՄԱՆ

«12» 12 2012 թ.
N 64-Ղ.
օր. N

«___» _____ 2012
N
օր. N

Կառավարական քաղաքային հեռախոսակապի ծառայություններ մատուցելու մասին

ՀՀ կառավարությանն առընթեր ազգային անվտանգության ծառայությունը և ՀՀ հատուկ քննչական ծառայությունը, ի կատարումն ՀՀ կառավարության 2011թ. սեպտեմբերի 22-ի N1500-ՆԳ որոշման, ղեկավարվելով «Ազգային անվտանգության մարմինների մասին» ՀՀ օրենքի 26-րդ հոդվածով և ՀՀ կառավարության 2002թ հունվարի 18-ի «Հայաստանի Հանրապետության պետական և համայնքների բյուջեների կատարման կարգը հաստատելու մասին» N 48 որոշմամբ հաստատված «Հայաստանի Հանրապետության պետական և համայնքների բյուջեների կատարման» կարգի 34-րդ կետի պահանջներով՝ ՀՀ հատուկ քննչական ծառայությանը կառավարական քաղաքային հեռախոսակապով ապահովելու և սպասարկելու նպատակով

ՀՐԱՄԱՅՈՒՄ ԵՆՔ

1. ՀՀ ազգային անվտանգության ծառայությունը ՀՀ հատուկ քննչական ծառայությանը մատուցում է կառավարական քաղաքային հեռախոսակապի ծառայություններ (այսուհետ՝ «Ծառայություններ»), իսկ ՀՀ հատուկ քննչական ծառայությունը վճարում է այդ Ծառայությունների դիմաց սույն համատեղ հրամանով սահմանված կարգով:
 - 1.1 Սույն համատեղ հրամանով նախատեսված պահանջները տարածվում են կողմերի միջև 2012թ. հունվարի 1-ից ծագած հարաբերությունների նկատմամբ:
2. ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆԸ ԱՊԱՀՈՎՈՒՄ Է.
 - 2.1 Ծառայությունների որակյալ, անխափան մատուցում և սույն համատեղ հրամանով նախատեսված պարտավորությունների կատարումը,
 - 2.2 Կապի միջոցների անխափան աշխատանքը և վնասվածքների ժամանակին վերացումը,
 - 2.3 ՀՀ հատուկ քննչական ծառայությունում տեղադրված կապի միջոցների և բաժանորդային գծի անվտանգությունն ապահովող հատուկ միջոցառումներ գաղտնի տեղեկատվության արտահոսքը կանխելու նպատակով,
 - 2.4 Կառավարական կապի միջոցների տեղադրումը, վերատեղադրումը և ծառայությունների մատուցումն ու դրանց հետ կապված աշխատանքների կատարումը՝ ՀՀ հատուկ քննչական ծառայությանն առընթեր վճարման պարտավորության մասին գրավոր հայտ ներկայացնելուց հետո,
 - 2.5 Կառավարական քաղաքային հեռախոսակապի անջատումը, եթե ՀՀ հատուկ քննչական ծառայությունը չի կատարում Ծառայությունների դիմաց ամենամսյա բաժանորդային վճարումը՝ ըստ սույն համատեղ հրամանի 3.4 և 3.5 կետերի:
3. ՀՀ ՀԱՏՈՒԿ ՔՆՆՉԱԿԱՆ ԾԱՌԱՅՈՒԹՅՈՒՆԸ ԱՊԱՀՈՎՈՒՄ Է.
 - 3.1 ՀՀ ազգային անվտանգության ծառայության կապի հանգույցից մինչև իր շահատասենյակները առանձին մալուխային գծի շարքից դուրս գալու դեպքում վերանորոգման աշխատանքների ծախսերը՝ ըստ կառավարական կապի միջոցների շահագործման հատուկ պահանջների,
 - 3.2 Կառավարական կապի միջոցների շահագործման հատուկ պահանջների կատարումը և այն աշխատասենյակների պահպանումը, որտեղ տեղադրված են այդ միջոցները,
 - 3.3 Իր մոտ տեղադրված կապի միջոցների պահպանումը,

կ/Կ 12/14
030912

3.4 Ծառայության դիմաց բաժանորդային նախորդ ամսվա վարձի վճարումը՝ ոչ ուշ, քան մինչև ընթացիկ ամսվա 10-ը՝ համաձայն ՀՀ Կառավարության 22.09.2011թ. N1500-ՆԳ որոշման: Վճարումները կատարվում են դրամով՝ հետևյալ կերպ.

№	ՏԵՂԱԴՐՄԱՆ ՎԱՅՐԸ	Կառավարական քաղաքային կապ	Ընդամենը
1.	ՀՀ հատուկ քննչական ծառայության պետ	1 x 225 000	225 000
2.	կապի անվտանգությունն ապահովող հատուկ ծառայություններ	1 x 100 000	100 000
3.	ընդամենը տարեկան վարձը		325 000
4.	երեք հարյուր քսանհինգ հազար դրամ		


3.5 Բաժանորդային վճարումների փոխանցումը ՀՀ ազգային անվտանգության ծառայության հաշվարկային հաշվին՝ ամեն ամիս,

3.6 Իր մոտ տեղադրված հատուկ կապի միջոցների վերադարձը ՀՀ ազգային անվտանգության ծառայությանը՝ տեխնիկապես սարքին վիճակում՝ Ծառայության մատուցումների վերջնական դադարեցումից անմիջապես հետո,

3.7 ՀՀ ազգային անվտանգության ծառայությանը պատկանող կապի միջոցների արժեքի փոխհատուցումը՝ ըստ կազմված համապատասխան ակտի, եթե դրանք կորստի են մատնվել իր մեղքով:

3.8 Ուժը կորցրած համարել ՀՀ ազգային անվտանգության ծառայության և ՀՀ հատուկ քննչական ծառայության առ 18.09.2010թ. N53-Ա համատեղ հրամանը:

ՀՀ ազգային անվտանգության ծառայության
տնօրեն


_____ Գ. Հակոբյան

ք.Երևան 375001, Նալբանդյան 104 ԱԱԾ
ՀՀ Ֆին. նախ. գործառնական վարչության
համայնքների և պետական հիմնարկների բյուջեների
հաշվառման բաժին
հվհհ 01507079
հ/հ 900018301011



Կառավարական կապի և տեղեկատվության վարչություն  հեռախոս՝ 1-99

ՀՀ հատուկ քննչական ծառայության
պետ


_____ Ա. Միրզոյան

ք.Երևան 4.Սարգսյան 5
ՀՀ Ֆին. նախ. գործառնական վարչության
համայնքների և պետական հիմնարկների բյուջեներ
հաշվառման բաժին
հվհհ 02589128
հ/հ 900011004018

4.Տ.